

敘州府志卷五

山川二

南溪縣

龍騰山 縣東二里下瞰大江其北有石橫空長四丈許俗呼爲龍橋山半有洞深四丈相傳李八百所鑿額鐫八分書李公洞三字遒勁可觀洞下有岑參別業蓋參罷嘉州時寓縣志名勝志半山有洞深四丈相傳李八百所鑿額鐫曰李公洞八分體字畫遒勁可觀洞前有折梅亭山下有岑參別業參從明皇幸蜀尋守嘉州成化中掘得斷碑有南溪州三字傍題

敘州府志

卷五

山川

一

南溪

唐人岑參別業明楊名龍騰山睡夢記去邑治東里許下有大小二溪合流爲龍灣故老相傳昔有龍蟠其中復常往來故名龍騰其山高平後嶺延長前俯崔壁地幽而勢阻旁有一路循龍而上遠而漢陽牛尾平蓋諸山割翠獻青若拱若揖近而城邑市廛戶雜羣居萬瓦千甍蟬聯蟻引又其勝錦江一碧自上而下舟楫往來禽鳥翔集千態萬狀舉在目睫此南邑第一山也余考龍騰古刹自唐宋以及於今千有餘歲其山之形肖龍變化匪測蟠踞悠然余以三春日夢登萬仞之巖三扣其鐘羣龍次第而起首黃次

赤又次白其餘盼盼翾翾莫得蜿蜒之狀但見其頭
角崢嶸翔於霄漢頃之祥雲燦爛殿陛峩峩羣龍之
中化爲赭袍者三長髯博袂盈吻虹霓向予而言曰
予潛於田叅於池修鱗甲以俟時者數十禩矣茲利
見於子托迹於宮帝命予作霖雨以蘇下土其聲轟
轟其語若霧珠噴綴予汗浹神飛恂然若有所得及
竟則一夢也予禱於帝曰茲山其神乎何爲授子若
茲也意者山之青龍所以鍾靈氣於人文者爲龍爲
光上翔廟堂下福海宇必有以符於夢者不然何其
靈瑞之感有若是乎旣命住持舟載懸匾於堂復尋

敘州府志

卷五

山川

二

南溪

廢石摩挲無字者命工鐫此以拭目於多賢翼以應
識而飛騰若夫佳木蔥蘢鳴聲上下金波萬頃鳶魚
活潑特此山之光景爲登覽者之助耳至於山之所
蘊瑞之所鍾無盡藏之妙豈淺識之所能蠡測哉是
爲序又龍騰山詩龍峯曲曲抱江城萬里雲霄一帶
橫江面鳶魚隨幻浪天邊星斗拂禪楹丹衷耿耿懷
楓陛赤子依依樂歲成老衲敲鐘能解語白雲紅日
甚關情邑令徐志鼎九日登龍騰山詩秋氣洗山骨
浮浮清道心林開樵徑潤水殺漲痕深涼暑亭邊路

舊有黃山谷書涼
暑亭三字石刻

茱萸酒滿斟家鄉兄弟集應笑獨

登臨新附

平蓋山 縣西五十里元和志在縣東三十里多荔

枝舊通志其地有三山九隴惟此峯特出羣山之上

山頂圓平似蓋一名牛心山一名瑪瑙山漢真人劉

景鶴隱此煉丹有石洞深邃上有石穴圓如蓋有水

出焉取之不竭又有木生葉其文如篆謂之符葉通志

龍磨角山 縣西六十里其山巉巖有劃破跡相傳

龍嘗於此磨角故名縣志

桂輪山 縣西七十里石壁上有黃庭堅書大桂輪

山四字名勝志是山惟中秋見月故名縣志明戴弼大

敘州府志

卷五

山川

三

南溪

桂輪山詩覽秀登高一嘯長滿天雲淨濶江光當年

留記人何在忙裏偷閒且盡觴新附

琴山 縣南隔江二里狀如琴橫洲渚間俗云無徽

則琴不鳴元時熊萬戶者乃聚土為徽依巖閣刻羅

漢諸像以成其勢縣志邑人劉景寅同弟侍御遊琴山

詩虎溪龍井共前緣邂逅秋風載酒船白足迎來門

不二紅塵隔斷路如千為應學佛無靈運且喜能詩

有惠連巖閣短碑吾記在更將何語壯山川新附

按縣志琴山後有可廬山據寰宇記及蜀志補遺

皆在宜賓界今刪

瑞雲山 縣北二里雲氣常結而不散縣志

雲臺山 縣北八十里明進士江忱唐佐讀書於此

縣志元廖蜀望雲臺山詩雲臺突出眾山低小徑縈紆

上石梯古寺獨存山寂寂斷碑惟覆草萋萋滿空香

散春蘭綻萬壑烟生晚樹迷為愛其間風景好登臨

幾度杖青藜新附

隱山 在縣東南王象之輿地紀勝在縣東南逾江

七里縣志唐李涉詩如雲不厭蒼梧遠似雁逢春又北

飛惟有隱山溪上月年年相望兩依依新附

龍透山 縣東十五里山腹有洞穴深廣十餘丈其

敘州府志

卷五

山川

四

南溪

石紋斑駁陸離凸凹蜿蜒如臥龍盤屈中鱗甲宛然
蠕蠕欲動

鳳鳴山 縣西七十里明建有鳳鳴寺邑人牟志夔

有碑記今圯

芙蓉山 縣北六十里凌雲寺後狀如芙蓉每於雨

後烟霽中尤靄靄多態

鐵峯山 縣北六十里

獅子山 縣南五十里

象鼻山 縣西南五十里

聯雲山 縣北八十里與雲臺山迤邐而來雲氣常

聯結不散故名

獅子抱毬山 縣北八十里雲臺山之右聯雲山之左有巨石如毬山形蜿蜒曲抱狀如伏獅故名

鳳凰山 縣北里許形似鳳凰首尾兩翼俱全明萬曆三年知縣陳忠改建學宮於此卽唐楊發書院遺址嘉靖十一年勅建敬一亭於右暨程子四箴碑四通真氏心箴碑一通上諭碑一通及創建碑記尙存今復遷學宮於此

石龍山 縣東十五里頂有石峯高五丈許傍有巨石如盤龍狀俗名雞罩山

敘州府志

卷五

山川

五

南溪

龍寶山 縣東十五里其山卓立端巖憑闔觀望圓如彈丸

天井山 縣西南六十里

千伏山 縣南五十里

香爐山 縣東北四十里

二郎山 縣東南十里

紗帽山 縣南二十里

觀斗山 縣東十五里此山高十餘丈其上寬平嘗有土人墾地得箭鏃無數相傳諸葛武侯曾觀星斗於此

天馬山 縣東三十里有奇數山蟬聯一山前仰後俯形如駿馬登坂邑人呼爲天馬

獅來山 縣南隔大江五里一峯突起狀如獅首

幞頭山 縣北二十里脈自雲臺山蜿蜒而來千巖競秀萬木爭榮至幞頭山岡巒突兀形似巾幘因名

鐵柱山 縣西五里脈自幞頭山麓之穴臺坪來約

十里許突起峯巒形如鐵柱前繞大江左右雙溪如

帶並縣志

觀音巖 通志在縣南明僧隆月結廬其中一名海

樓明劉景寅記琴山之陰大江之津有巨石焉在水

敘州府志 卷五

山川

六

南溪

者仰而立在山者俯而踞與南相望而據其上游浮屠隆月師因山石穴其中而外以堂宇之半葺之爲土偶畫像藩以棘榛雜以竹木扁曰觀音巖而已則主之隱然世外氣象也數年來余見石之在其所居之外者漸爲石工毀泐以業器具余甚不憚而亦莫有禁之者蓋山川形勝所係亦大今坐視石之受害如此不可也庚戌之秋適予歸自田畝踰琴山遂遊於此月師逆曰思覩先生久矣欲致之而未能先生乃自來邪予曰隆月師汝居於此欲爲逃禪者乎欲爲守此巨石者乎物莫壽於石故自古迄今以之勒

茂功紀賢名而傳不朽焉吾冀汝朝夕於此豈徒逃
禪面壁而已將以此石與山川之靈同愛惜同守護
呵禁不祥以待不時之需而使彼賤之者不敢睥睨
於其側也吾聞古有石鼓文有燕然碑有湘崖頌其
功名事業雖不可同語然當時勒功紀名以傳不朽
之意則同矣屹立輝映使千載之下有志之士誰無
攀龍附鳳之願一吐出胸中之奇由是勒功紀名大
書深刻卽以傳不朽而軼古人者其此石之類也哉
是汝以此石居吾以此石遊皆愛惜守護爲有志者
用也雖欲勿用山川其舍諸月師惶然進曰有是哉

敘州府志

卷五

山川

七

南溪

予乃誌之又從而歌之曰惟石巖巖兮惟壽綿綿兮
磨且鐫兮伊誰之傳兮張繹海樓記跋右紀一通詩
一章劉戶部先生登第前三年作余至南溪之初欲
觀縣志未有編者乃使人徧錄石刻題志因得讀之
時雖未到巖下固已知巖石之奇壯足以增地勝需
時用而或多爲石工鑿毀用非所宜故先生深惜而
致意愛護不欲苟用志固非余所敢知然因是而有
感慨係焉天地間無物不適用者石亦一物隨水土
皆有之堅貞重靜不逐波流物染取而用之砥礪亦
可柱石亦可勒碑銘刻亦可獨惜夫炙熱而爲炭火

之益徼福而爲薰煙之爐飲食滋味而爲受辛之臼
彫琢之餘樸質斲喪貴賤用舍由石工矣亦有水落
而露夫江介不甚大且稍圓平者嘗見舟人竅鼻貫
繩繫置舟首泐沂上下惟其所適由舟而已所至欲
以定舟則舉而拋之岸泥沙之相污小石之相繫剝
畧不少顧惜或又不幸而爲魚鹽之舟則有混於腥
鹵之側江湖商旅方將倚坐而計分毫踐踏而往求
利息此時舟中所重者貨視此石塊然何足有無人
亦概視此時爲貨利叢中物也豈不可悲哉先生遊
此巖見石有爲石工所或用者已不勝惜若更見此

敘州府志

卷五

山川

八

南溪

其爲深惜又當何如雖然此亦石之所在遭值不能
免者彼深山邃谷豈無巨石奇形怪狀不可易視者
或終捲翳於林樾草莽間人共惜焉視此斲毀且賤
用者固不能以此而易彼君子以是或不敢惜也先
生此時位望隆重此紀此詩寫示巖僧者已八九年
收者猶是此僧未見爲籠紗刻石者此石之不見愛
護亦宜矣今讀先生詩紀又曾躡足巖下不覺重增
一番感慨因命石工磨石一方刻樹巖閣中自此觀
石皆能愛護而壞用者可少免歎嗟夫石本用者豈
欲故爾禁戒置之無用之地蓋上之而砥石柱石碑

銘石之遭也不然醉石鬱林石人來病石也巖石主人自當隨時處之新輯

龍透洞 縣東北三十里一石橫飛中空直過南北

相望軒殿開明一勺之流迸石而出清冽香美遊憩

其際真別有洞天也昔人題詠頗多年深剝落無存

縣志知縣王大騏龍透洞詩景從龍透始云奇那許登

臨不費思爽闢重關通秘竅暗流石髓養神芝兩牕

對接雲生處一夜雙明月照時謾道仙人無托迹暫

留片刻已神怡新附

大江 在縣南門外即岷江也自宜賓縣流入縣境

敘州府志 卷五

山川

九

南溪

又東流八十里至城南又三十里入瀘州江安縣界

元和志汶江經縣南去縣十步縣志大江一名外水

其源有三大支一來於岷山名岷江又名導江地志

江源發湔氏道西徼外今茂州汶山縣江水所出也

一來於雅河即青衣水入岷江者也一來於雲南之

金沙江即禹貢梁州之黑水亦入岷江三支匯流俱

經縣境通志

青衣水 寰宇記在南溪縣南一里四步方輿勝覽

青衣江在南溪縣南十五里古有青衣國與敘州相

隣其人因賈至蜀見漢衣冠遂求內附江因以名焉

舊志有九盤溪在縣南三十里源出長甯縣鐵頂寺北流四十里與夔溪合夔溪在縣南二十里源出下界石牌頭下流二十里與九盤溪合二水合流是為青衣水又舊志水北入江謂之青衣江青衣江口在縣東二里縣志按青衣水不確詳水道辨譌

夔溪 卽舊志福溪在大江北岸縣西四十里發源宜賓縣之高洞鄉南流六十里繞縣西北經黃沙河石骨灘至茹溪合大江

貞溪 在大江北岸縣西十五里其上為貞溪橋無來源夏秋合諸山之水入江並縣志

敘州府志

卷五

山川

十

南溪

桂溪 卽舊志之大溪口在大江北岸出西關外里許發源本邑高熊里之牛角巖一由干坵塆一由龍頭舖至雙溪橋二水合流經桂溪橋斜繞至城西會

大江

縣志

邑人包學崧桂溪得雨溪聲詩山雨夜縱橫

山溪風浪聲翻盆添澗漲出峽發灘聲雷送千峯急雲分兩岸平源疑逢左右腔不合琴箏為藉滂沱徧因之激盪成桃花衝水出更憶武陵行新附

護城溪 卽舊志之小溪在大江北岸出縣東關外數十武發源本邑之幞頭山屈曲繞郭至縣東關入

江

大溪 在大江北岸出縣東關外里許發源本邑高熊里之朱向二漕與穿底壩之水匯於龍灘口繞開元寺山腳又合九盤溪屈曲旋轉歷五十餘里自北而東入大江

馬湛溪 在大江北岸縣東十里發源本邑之龍寶山經漆家溝望龍山出馬湛溪口合大江

蛇角溪 在大江南岸縣西六十五里無來源盛夏山溜驟發其水出望仙橋下北流入江

九索子溪 在大江南岸縣西四十里發源本邑之鳳鳴山曲折而來經關帝廟胡家灘三十餘里北入

敘州府志

卷五

山川

十一

南溪

江

栢木溪 在大江南岸縣西三十五里無來源夏秋會鸚嘴寺蘇家橋諸山谷水入江

九盤溪 在縣北舊志作縣南誤昔有童子遇龍翁於此水

勢彎環故名曰九盤迄今有上九盤中九盤下九盤之說至縣東會大江

兩河口 在大江南岸縣西三十里石筍鎮之東無來源夏秋會鸚嘴寺蘇家橋諸山谷水入江

仙源池 在縣北相傳劉景鶴煉丹初用此水今缺考

芙蓉池 縣北三十里龍頭堡新洞寺後

魚津 一名魚符津又名鷺鷥蹟按郡國志云南溪縣西三十里有津津南有鴛鴦圻是也益部耆舊傳曰夔道有漢張貞娶黃氏女名帛因乘船過江船覆沒帛求夫屍不得於溺所仰天長歎遂自沉焉積十四日帛乃持夫手浮出灘下顏色如生因名鴛鴦圻

並縣志

銅鼓灘 在南溪縣東明統志在縣學東縣學舊在城外此灘之上流有石磧生高數十丈壅水自巽方而去自是文物大振舊志在縣東十里又縣東三里

敘州府志 卷五

山川

三

南溪

有九龍灘石磧凡九皆狀如龍頭縣志錢載銅鼓灘紀事詩蜀道艱難五月程家山迢遠不勝情千灘萬石奔流險舟到人頭嶺岸行新附

石筍灘 縣西三十里江漲險甚窮冬水落有石長數丈如筍縣志知縣翁霖霖石筍舟中詩片雲捲盡大

江流水繹嚴程當置郵多謝天公不相負一天明月送回舟波光下上漾漣漪兩岸青山似昔時借得長江還自照恐教面目或推移新附

鹽井 九域志南溪縣有登北井今廢

葫蘆井 縣西北三十里劉景鶴嘗取此水煉丹鑿

井口如葫蘆故名今形尙存

飛霞井 在飛霞閣西阜上嘗有赤鸞自井中貫日

觀者如堵並縣志

半月池 在高湖里縣志邑人郭城半月池詩活水溶

溶湧碧泉倒垂玉玦在江邊頻經三五難盈魄長對

輝光祇上弦幾點浮萍風約半一泓水鑑荇相連人

巧天工兼地勝中秋應作兩回圓新附

長甯縣

寶屏山 縣北一里輿地紀勝云縣治主山也四時

常產奇花正德末年兵台任公以地戶之變削平其

敘州府志 卷五

山川

三

長甯

頂遂洩其靈縣志邑人周洪謨題寶屏山詩舊遊荆國

憶林泉回首何堪問歲年波淪殿摧花笑日鬱藍樓

廢草生烟物華盡逐韶光去人事長隨斗柄遷惟有

寶屏春色在送將雲影落牕前新附

金龜山 縣南一里四面平疇廣阜獨出肖龜形一

名松子山縣志周洪謨秋日金龜山晚眺詩金龜山畔

晚登臨蕭索烟村幾度砧黍稻誰家新別業草花何

代舊叢林西溪環縣涵秋影列岫凌空下夕陰不見

談元支遁匹野風怪石獨長吟新附

琴心山 縣東一里原名牛心山知縣吳師朱以其

名不雅馴與琴堂正對作案山因改今名

元武山 縣北一里巋然特出可資登眺

馬鞍山 縣東一里

筆架山 縣西五里壁立千仞三峯如削輿地紀勝

云邑人觀雲意顯晦驗天陰晴

並縣志

國朝楊庚遊筆架山記丁卯春暮天氣清和余與客登
西城而望見秀野平疇秧針如繡四圍黛色蒼翠浮
空惟鳳嶺之西山勢若斷就斷處矩折而南窮然壁
立有三峯踞其椒焉客指予曰此筆架山也以意揣
之約十數里許可陟其巔因與客訂暇日以遊旣而

敘州府志

卷五

山川

古

長甯

春雨連綿匝旬未止不果遊一日雨霽呼童蠟屐甫
出門適友人自錦官來者濶別數載還具雞黍留十
日盤桓不果遊旋買舟別去又值首夏新晴計可以
遊矣乃客使人以采薪告不克偕並屬予遲已而行
予亦以客病興阻又不果遊維時蒲劍森環榴花漸
吐閒坐竹棚招麴秀才入座興酣欲寢聞剝啄聲甚
急啟扃視之客已就痊攜索郎至矣於是洗犖更酌
聯榻同話約次日務往烟蘿毋使山靈笑書生猶豫
也至次日晨餐畢出城西度阡越陌行五六里許到
山下回望西城雉堞猶歷歷可數蓋路之近而勢多

紆故也客以病新差思半途返強之至山半遂憇石
磴間不前予乃攝衣獨上隨勢曲疊六七里至巖端
望筆峯在目前而至之猶有二里許循途而往各履
其尖放懷憑眺凡山之在東在西在南在北者皆回
環相望若揖若俯未敢與三峯鬪巧爭奇然後知向
所見勢之斷而未連者非眾山之擯乎三峯也實三
峯高自位置不寄人雖猶人之在天地卓然有以自
立世雖欲從而附之而莫敵其高自莫爲其匹耳壯
遊旣倦還至山凹客欣然而前問所見若何一一述
之客顧而喜曰有是哉子之遊子之學也予雖未臻

敘州府志

卷五

山川

五

長甯

其境聞子言不啻遊之而學之矣使前此不以雨不
以友不以余病而遊等遊耳余固未嘗不從子亦未
嘗不有所得而烏知前日之適意卽如乎今日之暢
懷也哉余請從子遊而學焉子盍歸而書之以告後
之策筇者明顏正筆架山詩筆架山峯鎖白雲天開
圖書祐斯文長甯應有登瀛選風月梁州已半分新附
鳳山 與寶屏山相連舊志云武侯曾馳馬其上又
名走馬嶺

冠帽山

縣南五里形如冠帽故名

重縣志

越王山

通志在縣南二十里舊傳山有越王墓得

名縣志在縣南五里上有蓮花池及宮殿之基礎在焉舊志云唐太宗子爲綿州刺史卒葬於此按綱目嗣聖五年秋八月瑯琊王沖越王貞舉兵匡復不克而死事在豫州此山有墓恐係附會新輯按越王爲綿州刺史具有明文惟舊通志謂墓在此山尙無確證縣志引通志謂越王無綿州之命大謬

松山 縣東五里

錦屏山 縣北八十里眾山蜿蜒一山聳出若翠巒狀故云

紫竹山 一名苦竹山縣北九十里其勢巍峩下有

敘州府志

卷五

山川

六

長甯

龍洞禱雨輒應

棧山 縣南十五里廣延數百里峭壁插天林木蒼鬱冬則雪積春至始消

石筍山 孤山特峙崖石如削一在小溪鋪一在黃葛鋪一在龍透鋪一在武甯鄉一在碓夾壩

四面山 縣東北一百里四山相連皆奇特如半月形

廻龍山 縣東南四十里其山迤邐而來至結穴處如龍掉首故名

九州山 縣東三十五里

石炭山 山有二一在武甯鄉一在黃葛舖其石和泥可燒故名並縣志

佛來山 縣東北九十里四圍峭壁高插雲表山上松柏參天琳宮映日誠莊嚴寶界也縣志楊庚佛來山

詩香風吹出旃檀林天花如雨散遙岑寶蓋繡幢紛絡繹慈雲百丈山巔臨琳宮梵宇增高殿石龕中有

晉賢像佛力能放大光明照開世界三千朗我昔曾登太華山峨眉策杖管躋攀屐齒所到皆絕頂遊踪

豈為茲山慳夏日邀朋臨嶽峯西崖夜候佛光出雞鳴天曙光間然舉頭東望升紅日新附

敘州府志

卷五

山川

龍翔山 縣北四十里形如龍一名龍鰲宋劉仲達號龍鰲居士

麗日山 城西三里

廣福山 縣北九十里

萬年倉山 縣東五里山形方正如倉故名

大金龜山 縣東七里舊志云昂首反側旗峯之賊

堪輿家忌焉

銅鼓山 近錦屏山形類銅鼓故名

龍磨角山 縣西五里下有潭水深黯莫測人不敢

近

巖山 縣南三十里卽白崖山

凌家崖 縣東九十里上有水流寺遠眺敘瀘大江如帶

燕巖 縣西五里石峯巉巖形如飛燕故名

三個崖 在佛來山相傳郭璞曾經於此題詩石上然詩句俚俗非郭璞所題當是好事者為之耳

萬松嶺 在縣西宋趙使君詩清溪狹徑小橋東春

日桃花處處同我為日長無一事偶然來此聽松風

金雞嶺 縣東南四十里山形如雞冠又山中產雞

色黃如金故名

並縣志

敘州府志

卷五

山川

夫

長甯

虞公峽 縣東十五里武甯溪上昔有巨石橫塞中

流宋嘉定間故相虞允文之子杭孫來守此邦鑿之

以通舟楫至今賴之石上大鐫虞公峽三字

縣志楊庚

虞公峽詩雷雨喧逐黑蛟怒裂山塞斷前江路神工

鬼斧疏瀹頻一瀉奔流向東注宋相之子虞杭孫昔

年為守同春温常慮行人作舟楫一葉不得通夔門

公餘日向江邊去審視崎嶇窄巘處徧鳩匠石破冥

頑奇功疑有五丁助我聞禹鑿巫峽開又聞李守穿

離堆好將清水虞公峽勒銘齊置岷江隈

新附

小離堆 在城北溪上有怪石似離堆之象故名

海馬洞 縣東十里昔有人見海馬由洞中出故名

槐子洞 縣西五里洞中石乳如槐子故名金縣志

朝真棲真二洞 縣西五里山頂為朝真山腰為棲

真洞門僅數尺內高廣十丈許疑有神物在焉縣志明

邑人周永隆朝真棲真二洞詩方丈蓬萊路渺茫偶

來此處問仙鄉真人一去無消息惟有寒藤鎖洞房

周洪謨朝真棲真二洞詩洞門牢落倚天開滿地烟

霞不染埃世俗空勞誇閬苑仙家未必在蓬萊層層

石上生靈草脉脉泉流淨劫灰多少遨遊方外客俱

留淡墨翳莓苔新附

敘州府志 卷五

山川

九

長甯

羊眠洞 寶屏山後內一石如羊眠故名縣志

甯真洞 縣北四十里在小溪北岸中頗亢爽有樓

閣堂奧之象可容千人縣志元支渭題甯真洞詩不到

甯真已十年重來佳景只依然桃花洞口春風過荔

子林邊曉日懸間舊猶懷前輩少知新惟喜後生賢

老夫欲作松楸計假手衣冠會有緣新附

棲神洞 去清平砦三里泉自洞中流出宋別駕羅

雄飛題此名

高坎龍洞 縣東四十里中有石榻龍跡宛然遇旱

汲洞中水禱雨輒應金縣志

水簾洞 縣北四十里水如湘廉一幅懸於洞口中
寬廣清涼可以避暑縣志周永隆水簾洞詩洞門開鑿
自何年深谷高陵幾變遷惟有水簾流不去至今長
掛翠巖邊新附

海棠洞 縣西五里輿地紀勝云州民王氏環植海
棠春時花開太守燕屬僚其下縣志楊庚海棠洞詩羯

鼓萼萼敲不住催出海棠三百樹太守行春策馬來
山前一帶紅雲布州民王氏舊風流鴉嘴閒攜洞口
遊嬾種芙蓉效錦里偏邀長吏爲遨頭陽春有腳家
家徧野外時開文酒醺羣僚都說使君賢各植李桃

敘州府志

卷五

山川

三

長甯

花滿縣今來洞口白雲封春日山花樹樹紅就中可
有嘉州種留作甘棠思召公新附

桃源洞 縣西半里其水發源筆架山下宋趙太守
市民田種桃李爲仙津橋桃花源武陵洲綠蘿塢碧
桃灣蒸霞亭昭然堂棲碧軒笑齊樓又掘地得一銅
牌曰小桃源其上有詩云綽約去朝眞仙源萬木春
要知竊桃客定是會稽人明宣德三年耕者復於洞
前得一銅牌廣一寸長二寸厚一分金色鮮明刻詩
同前縣志按通志引輿地紀勝云嘉定乙巳郡守張公
創置亭榭與此異宋張師夔小桃源詩策杖西行路

曲斜一溪春水野人家武陵勝處今何在
不問桃源問落花邑人劉仲達詩桑麻遍野
蔭橫斜茅舍人烟四五家便作武陵溪
上看春來何處不開花明周洪謨小桃源
詩小桃源在西山下浪說神仙別有鄉
滄海未逢乘鯉客武陵誰送捕魚郎
銅牌詩在乾坤老石澗花開雨露香
雲液胡麻無處覓杜鵑枝上又斜陽
又春行西溪望小桃源詩越王山帶
棧山開處處農家布穀催馬踏林陰
沿水去鳥銜花片過橋來動人春色
宜圖畫滿眼風光任品裁此去桃源
渾不遠可能有路似天臺

敘州府志

卷五

山川

三

長甯

國朝楊庚小桃源詩化工不解翻新意
小銅牌上無詩字只緣生面特重開
教人又作桃源記桃源豈是武陵溪
仙津橋跨清城西舊種桃花千百樹
佳名多半使君題使君五馬行春日
蒸霞亭弄生花筆為政風流信有然
至今勝境猶堪述人生最樂太平年
騎牛日到桃林邊桑麻深處聞雞犬
何必閒尋洞裏仙新附五車書石
縣東北一里五石方正集居水口關
鎖長甯之秀久軼民間知縣吳師朱
查出仍置故處縣志國朝邑令宗讓
五車書石詩學富當年別有儲名山
彷彿見遺書只今才子歸何處孤嶼
青青風雨餘楊庚

五車書石詩（） 嫿嫿福地不可窺藏書萬卷皆神奇書
化爲星星化石何年飛聚江之湄水流石轉運機軸
奇文未許尋常讀孕精毓秀人傑生周李而還誰再
續從來大地多奇觀巴江字水迴文瀾東流俱滙濫
瀕石關鎖秀氣安如磐因知清水非行潦石作中流
砥柱好青蒲素藻交相縈即擬康成書帶草新附

魚影石 在安甯鎮縣志

東溪 一名鰲溪其源有三一出松山一出白崖山
一出嘉魚泉流至城東北與西溪合縣志

西溪 源有三一出越王山一出小洞底一出箐下

敘州府志 卷五

山川

三

長甯

流至清井與東溪合縣志明邑人侯啟忠西溪歌溪流

滙眾水日夜何溶溶入江歷涪貫荆楚千里萬里皆

朝宗直如線曲如龍浦花明素錦巖草放青茸山圍

彷彿衡岳開芙蓉又疑三峽倒浸巫山十二峯美人

肝肺淨如洗復於晚浴清形容春風少長俄相從孔

門弟子來讎讎況學盤銘自新多雅潔振衣不啻佩

琤琮風雨歇波濤春濯纓濯足所爲耳絕勝天漢浮

槎經幾重新附

清溪 東西二溪水合清水流出故名縣志楊庚自清

水還家舟中誌喜詩時懷繞膝勸加餐急理歸橈下

碧湍遙識到門親乍見慰兒先說已平安新附

硯石溪 琴心山後方輿覽勝云山中有黑石可製

硯其泉出亦黑縣志

武甯溪 在清溪下縣志周洪謨春日還家至武甯溪

詩十年不到武甯溪回首東風路欲迷傳舍舊臨芳

草渡村居還傍落花蹊依依好樹留鶯語淡淡香塵

逐馬蹏預想到家閒適處龜山南畔鳳山西新附

冷水溪 發源筆架山下

三溪 卽三江縣東三十里本縣琪縣之水合而來

西梅硎興文之水合而來東皆滙於此故名

敘州府志

卷五

山川

三

長甯

清溪 縣東七十里輿地紀勝云中多水族如蛟龍

之屬

安甯溪 在武甯溪下流至江安縣合大江

仙人照影溪 縣東南四十里水脉發源梅硎溪其

西山勢壁立昔有捕魚者見一人立於山巔自照其

影至今石上痕跡宛然

小溪 縣北四十里發源琪縣過三里坎至清溪

草烟溪 縣西七里發源關山至鳴灘爲堰可資灌

溉

沙溪 縣北九十里發源芙蓉山入漢陽乾溪出南

廣

娑波計溪 洞底鋪縣東一里溪通舟楫居成市井
梅碕溪 縣東南四十里每歲暮春溪面水花流成
梅瓣洵點綴烟村一景也系以詩曰競說仙源好問
津桃花從未誤漁人豈知溪上寒梅片流出烟村便
是春又一隄芳草映晴沙流水何緣泛落花擬作羅
浮山下路看來疎影自橫斜

槐溪 一名王家河離城三十里在梅碕鄉之隅有
清流激湍映帶自然約五里許淵深魚躍燦然可觀
處士王作新嘗攜同儕歡飲聯吟唱和其上誠盛勝

敘州府志

卷五

山川

五

長甯

也且久晴聞聲則雨久雨聞聲則晴農家恒藉以占
天

城中井二處 見舊志

牛眼井 西溪岸上味甘

消井 在城北溪岸上可以煮鹽考舊志消井始識
於黃羅二氏二氏莫考何時人漢諸葛孔明登寶屏
山四顧謂此處當出一寶否則產英賢及下山見消
井曰此寶足以當之矣又輿地紀勝云井脉有二一
自對溪報恩寺山址度溪而入嘗夜有光如虹亂流
而濟直至井所一自寶屏山隨山而入謂之雌雄水

初人未知井所在漢人黃氏爨人羅氏者因牧而辨其鹹相與議刻竹爲牌浮於溪流約得之者以井歸之漢人得牌聞於官井遂爲漢人有後人立廟祀黃羅二神脉一鹹一淡塞淡脉則鹹脉爲之不流

龍女井 縣東一里昔人見一女出井中坐石上櫛髮故名

馬跑井 縣東五里相傳土主戰旋馬渴跑而得井

硫磺井 縣東九里四時水温作硫磺氣浴可療瘡

兩碗水 縣北三里泉出寒冽注於石窟僅容兩碗

龍进水 琴心山西高坂上泉出石罅甚微味却甘

敘州府志 卷五

山川

三

長甯

相傳其山中空潛龍所伏並縣志

嘉魚泉 馬鞍山下輿地紀勝云有小魚四時如一

游泳其間其泉夏冷冬温汲之釀酒烹茶味極甘美

前輩於上已日流觴於此又名流杯池縣志周洪謨嘉

魚泉上見臨流閣故址詩臨流高閣今何在此地波

濤去不回日曉輕烟長自合夜深明月爲誰來沙隄

畧約蒙青草石罅泉流漱綠苔更憶昔賢修禊日幾

番酬唱此流杯新附

鰲匯 在城東北蓋匯鰲溪之水與東西二溪水合

故名

龍灣 縣東九十里清溪之水流至四面山址有沱灣相環龍潛其中故名

介湖 城西二里輿地紀勝云內植芰荷有却將公

事湖中了之意今舊址猶存詩曰縣志無作詩人姓氏半畝菰

蒲水一泓閒尋山徑問佳名樵夫偶指前村路便作

西湖築蹇行並縣志

香德池 一名金井縣東二里泉源湧出如沸湯然

金魚塘 縣東一里內有金魚晴日常出縣志宗讓金

魚塘詩仄徑訪谿塘清冷可俯眺絕巘隱深淵烝然

下綸釣翩翩白鷺飛灼灼錦鱗跳臨淵各欣羨得者

敘州府志 卷五

山川

美

長甯

彌歡笑緬彼物外情那堪炎暑燥嘯傲仵林泉憂勤

在廊廟展彼逍遙篇濠梁乃同調邑令李並楷金魚

塘詩半畝方塘水不波游鱗依藻羨如何動中活潑

天機暢靜裏蕃生造化多涼蔭芰荷拋玉尺光涵星

斗擲金梭樂哉漫道魚非我擬作濠梁取次過新附

涇灘 縣東北五十里輿地紀勝名一疋絹泉白山

頂數十丈飛落潭水淵默駭目怖心縣志

高縣

七寶山 縣東南六十里七山相連形如貫珠上有

石如臺相傳有仙煉丹於此通志

閣梯山 縣南二十里明統志閣梯山在高縣治南

其山峭壁如閣其路盤旋若梯故名通志縣志又名九

蟠坡知縣李鴻楷閣梯山詩紆徑層層自作梯鬼峩

千仞任攀躋雲橫古屋無僧掃花落空林有鳥嘯遠

岫嵐明秋氣爽孤峯煙斷夕陽低俯矚平野晴如畫

數點霜華木葉齊新附

騰山 縣西南五十里常多霧雨

遠眺山 縣西二里彝人出沒登此可以遠眺

馬鞍山 縣西一里形如鞍俗呼朝天山

連珠山 縣北一里九峯錯峙如連珠故名

敘州府志

卷五

山川

三

高縣

三燈坡 縣西南二十里並通志

貴人峯 縣南東嶽廟側圓潤蒼秀拱衛城郭

香爐山 縣東十里與七寶山相接並縣志

西山 縣西北二里為縣城主山其脈來自芒部傍

有西山寺翠竹鬱葱可觀縣志知縣唐繼年遊西山記

城西門外一里有山聳然而特峙者是為西山山上

桂杉桐柏與修篁香楠爭長成林中有古剎為棟宇

者三層飛白流丹凡奇葩異卉靡不雜蒔窗下先農

壇在山之南麓耕藉後余偕僚屬登山而少憩遂相

與遊目肆觀焉其右為馬鞍山先是煙霧瀰漫與西

山合而爲一少焉晴霽則劃然中斷恰通一衢行人
組織而文昌宮適當其峽口其後則宋江經焉漁人
時筏載鷓鴣嬉於水以取魚右有水田百畦芳塍如
繡俯闡城中煙火數百家朗若列眉而芙蓉七寶諸
勝遙遙相迎直對揖於襟帶之前露其面目於是噉
苦茗披涼颼送夕陽迎素月時方歸鳥投林四顧寂
靜迨攝衣下山去乃聞蛙聲閣閣增一部鼓吹云新附
九盤山 知縣陳陞登九盤山記東山寺之南有九
盤山距城十里一峯指天拔地千尋路九折而上層
級分明可攝足凌步而不可以車馬一日余與客遊

敘州府志

卷五

山川

三

高縣

東山寺飯畢欣然而往扶筇杖扳緣躋登踰時乃達
其顛焉於是四望空曠舉頭天外與灑氣溟滓相接
而羣山回合舉若俯首低眉揖於其下者然時天氣
晴霽忽有雲從山半起隨風飄蕩頃刻蔽日以爲將
雨也已而雲斂天開清朗如前蒙氣悉屏噫茲山之
晦明變化倏忽不常若此則其高蓋可知矣俯矚左
右兩河夾束縈白如帶從山顛折而南下約二里有
地寬平如掌竹樹茂鬱中有古寺再視下則林木窅
然深碧無際矣寺之東南一帶相去二里許復有田
廬相間遠聞雞犬之聲顧猶在山之中宛然別一人

間余方與客少憩日已西斜不能窮力探其幽勝因徐徐循原徑返而力亦既倦艱於行矣然而心胸廓落雲海相盪覺日坐孤城中四山遮蔽天光直下稜觚不圓瞪目有碍至此乃曠然大有得也愈低徊其下不能去云新附

桅杆山 縣東三十里歸化鄉屹然獨立高矗霄漢鳳凰山 縣東一里聳拔蒼秀拱揖縣城

公子山 又名工字山在縣西五十里山頂石如露臺方廣五丈可坐百人四面削壁腰小如工字

東山 縣南五里上有東山寺一嶂崛起四面皆低
敘州府志 卷五 山川 三 高縣
山上水田肥美泉源不竭

牛頭山 縣西六十里嶽嶽屹立人跡罕到
兜子山 又名豆子山在縣西六十里山勢竦嶮上有觀音寺

佛見山 縣西二十里

尖山 在縣西歸化鄉下有涼水井周四尺許不盈不竭巖上鑿觀音像

紅巖山 在縣西歸化鄉上有觀音寺明成化間蝗鼠爲害有高僧隆介偕徒了清住此演法蝗鼠之害遂弭詳碑文

鉢盂山 在縣西歸化鄉山下有泉可溉田五畝
龍背山 縣南六十里有殘碑字矇矓不可讀移甫
廢縣傳卽其處

小紅巖 縣西五十里赤岩峻峭有若篆文

觀音巖 縣西五里峭岩臨江危逕絕險

土地巖 縣東南二里岩下有泉甚甘冽

大寶林 縣西六十里林木蔭翳與雲南大關牛皮
寨交界

陡巖山 石頭壩山 石魚山 雷劈石

烏龜背 長腰坡 俱在歸化鄉

敘州府志

卷五

山川

三

高縣

白雲山 縣南七十里上有白雲寺

一對山 縣西一百三十里兩山對峙形如臥虎

鳳凰山 縣西一百三十里形如鳳凰展翅

聯珠山 在譚村

眞武山 縣南六十里形似覆鐘

頂鼓山 縣南七十里上有石似鼓時或自鳴則其
地必大旱明九絲蠻叛時有聞其鳴者

走馬山 縣東南二百二十里迤邐四十餘里南控

古芒北臨樂義左接定邊右界珙縣崇禮鄉

滕山三臺 縣南八十里三峯特峙頂上平曠

梅子嶺 縣南八十里交筠連縣界宋江經其下故
舊名江曰梅嶺溪

三角巖 在綏來鄉即明魏天威妻妾殉難處

鷹嘴山 車到山 萬棠山 騰蛇山 木甌山

水樂山 馬鐙山 梅家山 印盒山 厚 箐

雨壇山 鉢孟山 石牛山 魯班山 石 筍

官盤山 掛燈山 雲板山 蜂洞山 潘家山

香爐山 九龍山 十子山 俱在安甯鄉並縣志

五車書石 在縣西一百六十里沐愛坪縣志知縣敖

立榜五車書石詩磊落軒昂畫不如補天遺蹟渾成

敘州府志

卷五

山川

三

高縣

書裝從龍馬河圖後載自瑯環福地餘大雅扶輪覘

蘊藉名山抱璞富藏儲連珠照乘輝相映別有文光

煥石渠新附

尖峯山 縣南二百五十里一在沐柔名同

羅漢山 在沐柔綿亘百餘里產筇竹可為杖

分水嶺 在沐祥岡蠻逶迤密箐蔽天山脊水分南

北南屬鎮雄北屬高縣又一嶺在落可林名與此同

燕宿巖 在沐柔石壁微俯雨雪不及寒冬燕宿岩

上望之如貼壁之幅不可數計

五坪山 七星山 甕岡山 龍盤山 拖鎗石

雞爪山 獅子山 九角山 白牛山 獅子石

干霄嶺 鐵鑛嶺 金雞嶺 烏嶺 老鷹岩

落可林 俱在定邊鄉

黑虎山 晏家山 虎石山 回頭山 溪木山

烏獲山 吳家箐 三鍋庄 俱在歸化鄉

馬鞍山 蝦蟆山 箭竹山 高丁山 牛欄山

木懷山 宋家山 孟家山 斧腦山 水潦山

寒婆嶺 大寺頂 俱在綏來鄉

二刻山 馬湖山 象山 來鳩山 老母坎

太白岩 灌木岩 二龍坡 俱在定邊鄉

敘州府志

卷五

山川

三

高縣

白馬洞 縣東十里賴笏岩下相傳萬厯中有白馬

自洞中出食田禾農民逐之入洞中遂不見咸以為

神馬云

魚井洞 在縣北門外下村渡口一在定邊鄉

落角洞 烈女陳三姑殉節處在縣西一里許黃泥

迥大路之右

馬尾沱 在右二甲發源陡岩

龍蕩 縣南七十里 俱在歸化鄉

牛角洞 在冷霧壩

朝天洞 在鷹嘴山

陳家洞 洞口在半岩間有石身佛像三尊平列傍有接引佛一尊俱奇如天造

響水洞 在安甯鄉水聲如洪鐘

占雨洞 在縣南正洲常有霧橫洞口霧白則晴霧暗則雨

白巖洞 在正洲下絕壁口狹腹寬深入有水明末土人避難洞中遺跡尚存洞口有朱書天啟七年四大字

金雞洞 在老王場

石佛洞 在毛村上大佛岩下里許洞內現佛一尊

敘州府志

卷五

山川

三

高縣

約高五丈餘臺前有一石擊之如鼓聲

白犀洞 在落義溪之下岩懸鐘乳纍纍或如鱗介或如神鬼或如芝卉奇異不可名狀

仙人巖 縣東二十里上有仙人足跡

騰蛇巖 在安甯鄉形如蛇長約三丈餘鱗甲活現大佛巖 在毛村上

佛龕巖 在正一甲壁立千尋四面峻峭叛逆何金龍黨羽曾距其中後爲提督胡中和勦滅

風巖 與大寺頂相對屹立千仞中有鳥道縱橫同治間滇匪蠻匪滋擾平寨土人集團禦賊於此賊不

敢上

營盤山 在正一甲羊子嶺西南陡絕鳥道一綫東南較平下有水泉昔人營壘址蹟猶存

劉家山 距城三十里四圍田水此山綿亘頗長同治元年劉藩司胡提督前後均紮營此山賊畏不至萬年燈山 在老王場後同治二年正月蠻匪自珙邑恒豐場竄老王場果後營布政使劉公嶽昭督兵來場雄營護衛營紮前後兩山相為犄角擊退賊匪民賴以安

芙蓉山 縣東四十里峯巒崢嶸磅礴數十里上有

敘州府志

卷五

山川

三

高縣

古寺及曾賢遺跡龍湫甘泉與珙邑毗連界址井然石門山 縣北十里為慶高分界處按此山慶符已詳載

霧露山 縣東三十里河右四甲三峯並列儼若筆架農民嘗以霧之起散卜雨晴

宋江 縣西五十里源出烏蒙山箐下自陳村會滑灘子及譚村小河水經羅家坳樂潤坎北流屈曲有如宋字故稱宋江或曰由筠連入高縣境過滕宋故曰宋江至黃水口合清冷溪復甯溪又一支經梅嶺謂之梅溪

清冷溪 縣東五里源出七寶山芙蓉山北流至東門合復甯溪

復甯溪 又名復甯河在縣東自鎮雄發源下至羅星渡會水車壩水北行二十里至洞底繞高縣界經萬棠山東北又北過珙縣孝兒觜又西行五里爲大葉灘又西北流爲復甯河至慶符可通舟楫卽符黑水也

清水溪 距城二十里

磨刀溪 在縣東有二源一自陳家溝出一自缺田溝出合流至尹家埧卽伏入於地夏秋遇雨則漲冬

敘州府志

卷五

山川

三

高縣

常涸

班竹溪 在歸化鄉由騰龍槽流入珙縣

兩合溪 在歸化鄉合許堰二溪流入慶符江中

茉莉溪 在歸化鄉河右流入復甯河

小溪 在縣西河左自響水洞流出斷續無常至兩江口合流入慶符江

鹽井溪 貢子溪 潭水溪 扁擔溪 俱歸化鄉

十八道溪 縣南一百四十里

樂溪 在安甯鄉可溉田數百畝經龍蕩至滑灘與

宋江合

戲龍溪 又名希龍溪在樂義源出走馬嶺至九盤山合冷水溪入宋江土人謂冷水溪爲冷水河希龍溪爲熱水河其實二溪合處皆一也

雙溪 卽戲龍冷水二溪合流之下游也右珙縣界左樂義經萬棠山右折行十餘里至珙縣之洞底西流入於符水

洗馬溪 自徐家山發源至沐愛流入樂建河

青山溪 在正洲源出珙縣界

甕缸溪 在沐柔自羅漢山發源

德邁河 在安甯鄉源出小落瓦黑雀洞平蠻堡三

敘州府志

卷五

山川

三

高縣

處

長河 三溪合流可通竹筏又會安悅溝至正洲

小河子 在正洲自沐祥發源

符水 按符水卽復甯河已詳前

麓尺水 在安甯鄉樂義涓滴成流約七八里過雙

溪曲折十餘里至洞底合復甯河

三岔水 在定邊鄉與雲南三岔水嶺連界

木灘 由水路至珙縣必經此灘高水陡猛浪若奔

灘 縣東五十里復甯溪巨石縱橫駛流澎湃必

空船始能過四川通志征九絲蠻副使李江司轉運

遙從萬山中逆舟而上中有趺木二灘亂石縱橫水勢直下若建瓴長年循高崖牽引多死者至派僧夫數十人猶不足營山青神二主簿相繼道斃成都知府陳大壯鳩工鑿二灘值梅雨暴漲督工巡檢曾死於水相顧嘆惜至是諸蠻降多因糧於賊省轉運國朝乾隆七年滇省因輓運銅餉鎮雄知州徐柄建議上制撫張允隨入奏開修羅星渡以下趺木等灘於是銅運遄行商販絡繹載鹽而上運銅而下舟楫便利

鯉魚灘 縣東二十五里

敘州府志

卷五

山川

三

高縣

大葉灘 在復甯溪

官潭 縣西一里澄潭一泓淨碧如鏡上達樂潤河下通黃水口

倒流潭 縣東十里長二十餘丈

古龍潭 在木甌坪橫嶺之半西距鷹嘴山十里嶺上有朝天洞前懸危岩岩下有巨壑五絲洞水會集於此爲第一潭深不可測寒慘逼人水溢中岩及半里滙爲第二潭相傳係龍湫遇旱投以穢物輒暴雨其下復有岩水溢百步卽三潭澄澈如鏡

龍潭溝 流至小溪溝合樂建河

年伏溝 在祥八甲

白岩塘 律會溝 三洞溪 俱在歸化鄉

馬蹠溝 黑筍溝 李會溝 蒲家溝 浪衣溝

龍潭溝 銅罐溪 沙河子 蝦蟆三蕩 俱在綏

來鄉 並縣志

筠連縣

十八學士山 治西半里山聯十八如學士登瀛之

狀

木浪山 治南十五里積雨初晴遠望如有廟在半

山中現則晴不現則雨頗驗

敘州府志 卷五

山川

三

高縣 筠連

亭臺山 治南三十五里高聳如臺

暮春山 治南四里古木葱鬱昔人暮春祈穀於此

一作暮春山昔人春穀於山麓 並縣志

景陽山 城東半里形如覆鐘其山平坦得日光最

先故名 縣志 邑人尹孝慕登景陽山感題一片炊痕擁

髻鬢層堦歷盡忽開顏溪光倒映登瀛塔嵐翠遙連

掛榜山六詔羊腸通別徑九絲蟻穴淨諸蠻我來試

訪憑雲閣相國風流杳靄間 新附

真武山 治西半里

蓮花山 治東北十里山腳前後左右巖形如蓮花

故名

鳳凰山 治東北十五里下墩壩

掛榜山 治西南二十里一名橫山子半山有朝陽洞知縣戴於禮遣人於洞內掘得觀音像裝塑建廟巖水滴下盛石窩中土人掬飲呼爲觀音水頂名四望坪袤廣六七畝周圍可望數百里晴雨有雲橫列如掛榜狀

鄭家山 治西南孔雀場土司遺蹟尙存

黃牛山 治東南三十里巖石陡絕人跡所不至上畫黃牛並題有詩風雨不磨惟詩字模糊僅可認高

敘州府志

卷五

山川

三

筠連

皇創國時五字

魯班山 治東南五十里山頂舊有魯班祠今遺址尙存常產靈芝葉長五尺餘光彩絢目爲樵者所見以巖懸不可得歸告鄰人共昇梯尋之竟失所在山脚有塘名犀牛阱寬五六丈其水可灌田數千畝山頂高接雲漢遠近居民常以其巔明暗占晴雨焉

天寶山 治西南九十里高出羣峯外環四小山昔人呼爲五嶽將晴則有霞彩籠照將雨則有霧氣排空

蘇山 治東南二十里嘗有居民偶於山巔見一井

八方砌石皆鑄有仙佛像極精緻掬水飲之味更芳冽誌其處次日尋之竟不可得

火星山 治南十里

雞爪山 治南一百里交高邑蒿壩界山由高屬之落木柔發脉迤邐至縣界雙峯突起屹立如蓮花形居民建寨居之極爲險要

筆架山 治西南二十五里由亭臺山發脉三峯屹立高出雲表

馬鞍山 治西南十五里與掛榜山相對

尖山子 治西南豐樂場爲定川溪發源處其巔明

敘州府志

卷五

山川

旱

筠連

暗可卜晴雨焉

龍舌子 治南四十五里由龍塘場發脉起伏緜亘三十里至曹家嶺如龍頭伸頸齒舌耳眼俱全

涼風坳 治西南七十五里路旁有古木一株大約十圍往來行人多息於此

巖門 治西南二十四里有兩山對立於河之東西故名其下有二石大各丈許拒河橫置水漲可渡

石門 治南三十五里金家溝巖石中劈可通行人題詩風雨磨滅莫能識又有石螺伏地吹之則鳴在大洞壩又一在龍塘場一在木桶井土人俱呼爲石

海螺

白馬巖 治南三十里雙河場

白巖 治東南三十里危巖壁立高數丈有上洞中洞下洞居民於洞外葺牆避賊焉

仙人巖 治東南與黃牛山相近其頂有石如二人對坐狀俗呼為仙人對奕有洞高險可容二百餘人母豬巖 治西二十里半巖有怪石形似豬故名

鍋圈巖 高與亭臺山相埒如仰釜形

將軍石 治東南二十五里石大數圍高四五丈其腳尖銳聳立大石之上如欲墜然或時倚之則動作

敘州府志

卷五

山川

望

筠連

意搖之則不動旁皆石筍林立各極奇妙一在治西南五十里豐樂場頂高可望長甯塔接連三峯有大將軍二將軍三將軍之名

羊子洞 治南五十里地名大溪深濶各十餘丈內建倉儲廬舍巖水滴下年久石漿凝結望之如懸鐘狀為附近居民避賊之所

雪花洞 在大溪深達數里有水可供百餘人

潘家洞 治東南五十里石家阱內極寬濶深達數里與小落瓦龍洞通有水由洞流出四時不竭

萬厯洞 治西南七十八里洞深十里有碑書萬厯

年號故名同治九年巴夷以煙薰斃男婦一百三十餘口卽此

黑雀洞 治東南七十五里洞深數丈可容百餘人大洞 治東北十五里下墩壩深數里內有石樓能容百餘人頂有隙可通日光路極紆迴允稱仙境穿山洞 治西二十里與掛榜山對內空濶可建屋宇兩面對穿約深四五里一在古樓壩半山空一隙可望對面之天其洞甚小人不能入

小魚洞 治東南二十五里洞中先有大水湧出奔流入溪產細鱗與溪魚迥別道光十四年水改由涼

敘州府志

卷五

山川

五

筠連

風洞出居民以筒車引水灌田頗資其利

涼風洞 治東南二十五里洞所出之水一由小落瓦龍碗入地伏流四十里一由金家溝大洞壩入地伏流二十里二水同出涼風洞居民試以穀糠故云又龍碗漏水之處天旱塞之則雨頗驗

龍洞 治東二十里地名殷家壩水茨漏洞之水由此出與溪水合流至海登寺入高縣界不入縣城又一在小落瓦

清谿洞 治西南二十五里有清泉由巖洞流出居民避賊乘筏而入頗稱險要其水至茂蔭壩與定川

溪合每年立夏魚必結隊而出以萬計鄉人於是日捕之

高洞子 治西南九十里水從高巖直下夕陽返照霞光射人

定川溪 縣西元定川縣以此名一發源雲南鹽井渡之馬家洞一發源縣屬尖山子洞各流十餘里至

張家嘴合流經兩河口又合廉讓溪諸水曲折至城西出北十里入高縣黑望溪交界

三岔溪 治東南巡司場昔有三岔巡司主之明季尚存今裁其水發源高屬得邁壩入縣地大塘口與

敘州府志 卷五

山川

三

筠連

十八道溪合流至場又合涼風洞諸水流三十里交

高邑海登寺界不入縣城 並縣志

孔雀溪 治西南昔有孔雀巡司土舍主之水由鹿井發源合炒米溝大水溝之水西流至高洞子又合

長溝龍川溪諸水流至滇屬大壩合鹽井渡大河 縣志

通志唐武后時開拓邊境置此土舍供輸紫竹故有筠連之名後廢

乾溪 一名小龍潭溪自山腳衝湧而出春夏泛濫灌溉多田秋冬則涸出嘉魚二種與河魚迥別漁人

每辨之

廉讓溪 治西十里兩河口與定川溪合

仙人井 治西南豐樂場井深二丈濶四丈清潔可

愛旁有石鑿梳篦形相傳有鄉人早起汲水見有美女梳頭於石上倏忽不見故名

玉壺井 治北井側有石攢起如蓮花

鹿井 治西南七十里相傳雍正年間有鹿飲井中故名

龍潭 縣東北水至清昔人云龍潛於此

溫泉 縣東南二十五里水至冬甚熱

倒流水 治東南二十五里水出山洞紆迴入溪洞

敘州府志 卷五

山川

畧

筠連

口有塘相傳有大魚旱久則出小魚以次隨出遇溪水漲水復倒流入洞今塘平水不復倒流矣

龍會溝 治西北三十里一由麻廠溝一由白楊坡

二水入洞伏流二里至洞口出合冷水洞之水至海銀與定川溪合相傳洞內有龍每日水至三潮俗呼母豬龍洞

梅子溝 治西南二十五里發源滇境流十餘里入

縣界合清谿洞水入城

並縣志

珙縣

德行山 一名德興山又名珙山在縣城震位偉然

特立爲此城鎮山縣志知縣曾受一德行山記珙治南

有鳳凰山眾峯攢簇如鳳巢阿閣之狀北有麒麟山一峯聳峙若麟之角曰鳳曰麟大率以形似名之二山皆去治不遠可攬而有焉循鳳山蜿蜒而下小山纍纍如貫珠乃忽聳起一山巋然儼若端人正士之立其旁也又若垂衣委佩之臨其上也詢其名曰德行山夫鳳麟可以形似而德行則不徒貌取蓋其位正東生育亭毒其體莊重敦厚良止誠從其性與品而名之矣縣治適居山麓會不百武晨夕瞻之肅然起敬時自修飭洗滌煩襟覺俗吏風塵面目齷齪心

敘州府志

卷五

山川

五

珙縣

腸不敢以語對也夫山之德靜其用能興雲致雨此宜凡山之所同也然而有扁斯石履之者卑巉巖欹側大而無當求其足當德行之名者惟茲山爲允稱焉夫鳳有文德者也麟有仁德者也珙之山若鳳凰麒麟在於郊椒意其以德行之山爲主故氣類相聚與如是則鍾靈毓秀俾有德之士接踵而生蔚爲人瑞將人中麟鳳應運迭起震耀寰區亦固其所予忝蒞斯土思人傑發於地靈仰止茲山時時默禱山之爲靈昭昭也其必有以鑒我矣爰拜手而爲之記

新附

鳳凰山 城南三里引吭舒翅若翔鳳然

麒麟山 城北三里一角挺立形如角端

阿亞山 在西門河外勢凸凹若亞字形又名阿楹
下臨琪溪

冠帽山 在北郭外峯巒巍峩形如冠冕鉅縣志

落哨山 名勝志落哨山有生成石鼓二石鼓坳下有仙洞石乳凝聚如人如獸千態萬狀至洞頂黑質

白章如雲如篆新輯

營盤山 城西南九里相傳平都掌蠻時總兵劉顯

郭成盤營於此

梅得山 治西北四十五里鉅縣志

敘州府志 卷五 山川 吳 琪縣

芙蓉山 治西北五十里羣峯連秀形類芙蓉大小

九十九峯其南二峯特起謂之小芙蓉縣志知縣史致

康望芙蓉山詩芙蓉對峙高萬級仰觀祇覺天如笠

似有仙人衣紫衣超然特向雲中立俯臨敘南六縣

遙鶴飛鶴止鳴清霄振衣欲上不能上但見花花葉

葉凌層霄層霄一碧望難卽拭目久之長太息何處

無山此最奇銀漢無波亦增色峯高左右環星辰巖

深遠近生烟雲秀出天然意境新廬山面目無其真

我棄講筵膺民社抗塵何啻逃禪者愛人學道愧無

能相對名山倍心寫新附

七角山 治東北三十里與長甯接界縣志

虎牢山 治西二十五里峯高路險易於扼要縣志

國朝朱孝純詩虎豹深叢夜扃關曉披霧雨事攀援雲

峯一碧羊腸水霜葉全黃馬耳山眼底風光來異域

天邊景況近諸蠻士民猶記當年事話指遺踪欲愴

顏新附

打鼓山 治北三十五里三山圓峙頂如鼓形

甕山 治西其形如甕舊有鹽泉今廢

金雞山 治北三十里

五畝山 治西北四十里頂濶五畝因名

敘州府志 卷五

山川

三

洪縣

霧露山 與五畝山相連山多霧露俱與高邑接界

老蠻山 城南走馬壩東

五子山 城南走馬壩西

頂鼓山 治西三十里頂有石形如鼓相傳年將饑

則石鼓鳴

冷家山 治西三十里上有冷進士故址碑刻賜進

士編修冷永冰立數字

獅子山 治西南五十里常出大寇掘其山頸

犀牛山 治西南九十里頂有大池相傳池中有犀

牛潛居

馬耳山 治西五十里兩峯尖銳下有石溪

石鼓山 治南一百里

老虎山 治西南一百二十里山中有寨明正德十一年巡撫馬昊等攻取老虎寨即此

斷頸山 治南一百五十里

腕膝腦山 治西南一百里多苗人

西原山 治南一百六十里上有長安寺

官帽山 治西南一百七十里

丁家山 治南一百八十里

黑帽簷山 治東南與建武分界上有建琪界三字

敘州府志

卷五

山川

吳

琪縣

騎頭山 屯糧壩西北數里眾山皆露石首如人頭

狀下有深淵多人魚

白崖山 治北十五里名白崖舖縣南一百里亦有

山名白崖

青山 治西南二百二十里又名羅漢嶺與雲南分

界處洪武九年鑄有芒琪古界四字於上

公子山 牛心山 土官山 樂從山 俱在文聚

鄉

象鼻山 鬼臉山 獨腳山 娑羅山 觀音山

馬鞍山 二郎山 石門山 銅鼓山 光山

俱在仁壽鄉

烏莽山 茅壩山 蠻了山 羅堯山 風岩山

交椅山 邵峯山 仙神山 俱在知樂鄉

唐帽山 海會山 鋸齒山 月兒山 官斗山

筆架山 白雲山 橫山 團山 俱在甯泰

鄉

黑巖山 雷嘴山 高貴山 九子山 俱在育賢

鄉

雞籠山 金盤山 火燄山 海棠山 石門子山

俱在孝友鄉

敘州府志

卷五

山川

吳

珙縣

背光山 崆峒山 兩耳山 鐵廠山 磨子山

華景山 兔兒山 龍洞山 圈山 俱在崇禮

鄉

木梯山 李高山 鐵鑛山 麻窖山 帽盒山

龍井山 俱在集義鄉

黃織岩 治東北十里將軍溝之側

金子岩 治西三十里接高邑界

手攀岩 治南五十里四面如壁一徑曲折而上及

頂必以手扳援而行昔民避兵其上

棺木岩 治西南九十里昔棘蠻酋長於岩端鑿石

椽釘置棺其上岩高百仞下臨符江邑貢生張騰霄
乃募錢開通成衢縣志阮鑽詩重雲慘結棘雲秋崖下
泉聲弔首邱木處石居諸骨肉髻椎舌結傲王侯當
年狂逞無遺窟此際從風盡遠州迴繞山河堪悵惘
徘徊一望感人愁新附

鑼子岩 治南一百三十里俗名驟子岩

佛光岩 治南一百三十里岩半另有小峯頂一大
石下方上圓名香爐石相傳上有石佛旁有母猪寺
鐘上列山主阿沙等名通志正德十一年官兵攻取
母猪寨卽此

敘州府志

卷五

山川

五

拱縣

何家岩 治南一百四十里頂有池相傳明土司何
氏故宅

貓兒岩 治西南一百三十里卽馬蹏石遺蹟通志
正德時官兵攻取貓兒寨卽此

三字岩 治南一百二十里棘首窆棺其上作三字
形深廣尺許通志馬吳取黨朱卽此

中屯岩 白虎岩 銀子岩 獅子岩 齊家岩
豹子岩 俱治南

菜子岩 治西南一百八十里

胡家岩 治北二十三里

石廠岩 在城西河外舊名棺材岩以焚首嘗椽棺其上也

觀音崖 治北二十五里中一洞內有石刻觀音像及數十小佛像

思德崖 治北五里明宏治十三年劉武臣題

乾崖 治南九十里在符水岸上明萬曆時轉漕建武始通此道

滴水崖 蜂子崖 擦耳崖 俱在文聚鄉

白面崖 木梯崖 流砂崖 俱在仁壽鄉

老鷹崖 蔣家崖 桃夭崖 梯子崖 火燒崖

敘州府志

卷五

山川

至

珙縣

打兒崖 手爬崖 娃娃崖 俱在知樂鄉

腰帶崖 在甯泰鄉

風洞崖 紗帽崖 小白崖 犀牛崖 猴子崖

俱在育賢鄉

銅鼓崖 老鴉崖 樓房崖 俱在孝友鄉

掛甲崖 傅老崖 俱在崇禮鄉

二姑崖 鷹嘴崖 土官崖 响鵲崖 俱在集義

鄉

花蛇嶺 治南一百一十里接青山羅漢林勢如城

郭為滇蜀之界土出珙石

毛家嶺 治東南符水遶其下與鎮雄接界
長嶺 在集義鄉

蠻了嶺 治東南八十里毗連數十餘里爲長琪界
走馬嶺 治西南一百五十里接壤高邑

薄刀嶺 雞冠嶺 梅嶺 俱在文聚鄉

扁担嶺 在仁壽鄉

犀牛嶺 在知樂鄉

教場嶺 狎子嶺 俱在孝友鄉

麻窖嶺 鯉魚嶺 分水官山嶺 俱在集義鄉

石了頂 楠木頂 俱在文聚鄉

敘州府志

卷五

山川

五

琪縣

峩公頂 在知樂鄉

箐山頂 在孝友鄉

鎖耳頂 在崇禮鄉

饒鑄頂 在集義鄉

白竹了 露峯了 黃柏了 石鼓了 俱在文聚

鄉

大蠻了 小蠻了 俱在知樂鄉

七星峯 治東北三十里

香爐峯 治南一百三十里在佛光山之前

印盒峯 治西南一百五十里

落浦洞 治南六十里珙水之源洞穴深邃元封洞神爲普惠侯祈禱輒應

穿山洞 治南五十里中廣十里奢酋之叛民多避兵於此並縣志

將軍洞 一名雙洞在縣南都甯驛東三里二洞相聯蠻人所居總兵劉顯郭成平蠻旋師過此洞頂有石鐫天兵紀績四大字通志

國朝朱孝純詩試拂戎衣賦遠征霜風旂捲夜郎城蠻歌四起人難寐野火連空馬數驚父老至今憐戰骨將軍何代結荒營十年銅柱籌邊志慷慨徒增萬里

敘州府志

卷五

山川

五

珙縣

情宜賓阮鑛詩大書崖上紀天兵劉郭當年功此成建武西來雙石洞都甯東望九絲城不愁往復千山遠更慰逍遙六合清日落漁根聲帶水魚鮮酒滿酌

明鄉新附

南觀音洞 治南上羅計旁一名萬壽仙洞昔人多

題咏於內縣志阮鑛遊上羅計萬壽仙洞詩牽蘿躡壁

覓幽奇洞口仙靈異昔時隱伏泉源穿壑穴飄搖山色漾旌旗糝金盛下依天馬錦繡球拋引臥獅邊鄙

豈云無勝地人文蔚秀萃於斯新附

朝陽洞 治南洞頗深廣內有石成獅子形

海棠洞 治南一百二十里一名避兵洞

白崖洞 治南一百里崖高千仞流寇之亂邑人多避兵於中

范家洞 治南貓兒崖下三里其右名瓦房坡為明

總督樊一蘅避地之所縣志明范學文詩天鑄蓬萊峭

壁端巍巍直上令人寒仰瞻宮闕星辰近俯瞰江山

宇宙寬志阻澄清歸洞府心傷高蹈步桃源吾皇有

詔遷南極漫把經綸待世看新附

泥佛洞 治南中有泥佛像

半邊洞 治南九十里隱士李如金避世之所今詩

敘州府志 卷五

山川

語

珙縣

賦尚存壁上縣志李如金洞居賦并序甲申之變世倍

滄桑僕苟生全野處洞棲意與時違世俗嘲笑謂僕

一無為人意豈知僕性粗豪慵與塵染雖室非結廬

然地僻江隔亦可以永矢弗諉因作洞居賦以自適

負天地之誕卑微經濟以匡時步先哲之高矩甘養

拙以委蛇傲皇古之淡泊樂簡易而何之弗取裁於

斧斤弗勞心於堂構覓尸戶之幽奇向清流而開竇

聊以適我安居非徒矜夫枕漱乃有漁翁荷蓑披芰

乘桴結網望涯而至詣予窟中謫予以義謂昔有磻

溪爰有呂姜釣于渭濱遇乎文王爾整絲綸不釣不

網弗策名于天府顧乃伏我烹鮮野憇之旁予曰噫
嘻爾非魚習知魚之爲樂爾非我安知我之不樂乎
是居也草昧初開化工成就深足以帡乎風雲廣足
以容其簞豆石室無事于夜火鐵壁胡資乎封埃茲
棲三紀而因循亦厯四季而無疚因循兮焉求無疚
兮遨遊當其青陽布令桃李逢辰黃鳥奮翮子規弄
嘖野心樂親夫豐草散人喜坐乎棊茵於焉陟乎郊
原穿乎林樾仰瞻松柏挺然霜雪之交俯矚芝蘭馥
乎馨香之越若夫暑退秋清雪後初晴爾乃徘徊乎
江皋遣興乎淩蘅或染翰乎幽篁或攄懷乎遊鯨曲

敘州府志

卷五

山川

五

洪縣

水兮流杯適觀兮莓苔卷舒兮意得委宛兮歸來清
淨兮自治內好兮取裁嗟韶華之易老繼薪燎之夜
光雖曜靈之西墜自雲漢之昭彰待明月於遙天下
滴露於大荒終夜長咏猿鶴爲朋有彰身之相隨無
塵氛之我凌翁辭而笑揭竿以行于時一泓倍徹萬
籟無音星移過枕風渡颺襟覺心神之怡快寄歌嘯
於和吟歌曰峒空兮風輕江流兮波清乘桴兮無礙
漱流兮不驚勵躬兮潔志河清兮難憑與道汗隆兮

有命願睹太平兮永貞

新附

白馬洞

治南洞有白馬形

風洞 治南落亥堡中有氣噓出冬溫夏涼

響水洞 治西南六十里

魚洞 中屯岩下深邃多魚明時設禁於此今淤塞

黨廠洞 治南一百五十里相傳洞中流泉可以愈

瘡

祥風洞 治東南三里相傳晉郭景純經此因命名

焉

田虎洞 治南青山堡阿六寨明寇田龍田虎聚黨

數千人正德時將軍何安國勦滅之洞口鑿何安國

營正德十一年丙子冬十二月

敘州府志 卷五

山川

五

珙縣

魚孔洞 在文聚鄉縣志明知縣顏燦如詩直溯清流

傍曲隈洞天高廠翠微開潭沈碧水看魚躍樹擁蒼

蘿有鳥來鐘磬石懸仙樂迥主賓興劇雅歌裁惟憐

地僻無煩暑月上峯頭且覆杯

國朝朱孝純詩一竅玲瓏傍水隈藤蘿倒掛護蒼苔高

人載酒尋香處贏得清風滿面回教諭張灼詩天然

一洞近城隈叠嶂層巒對面開時有遊魚隨水去那

無好鳥送聲來岩懸石磬留音響壁掛藤蘿費剪裁

讀罷殘碑頻揀韻後先相繼樂啣杯知縣張濤詩嗜

好分智仁山水毓靈秀此境抑何奇源泉判岩石塞

潭清且深絕壁峭而瘦我來呼友朋清風攜兩袖俯
瞰龍所居深藏匪自囿為靈願已償歸臥忘昏晝譬
如避地人暫時隱林岫雷雨會有期膏澤遍宇宙新附

黃傘洞 白岩洞 俱在文聚鄉

觀音洞 猴子洞 金雞洞 俱在仁壽鄉

風岩洞 馬湖洞 後岩洞 俱在知樂鄉

小龍洞 大龍洞 野猫洞 母猪洞 老虎洞

兕牛洞 俱在孝友鄉

大魚洞 在崇禮鄉

黑岩洞 在集義鄉

敘州府志

卷五

山川

五

珙縣

符黑水 縣南一百四十里出汾關山者經流也其
支流自羅星渡上水車壩內數石洞中湧出按其地
勢源似出於鎮雄東一支自鎮雄威信靖遠司山中
發源西流合黃水由兩河口入珙縣至張漢壩沿岸
皆石洞伏流至水車壩出合而北流七八里至羅星
渡會汾關山之經流遂成巨川北流至上羅又北至
平寨合德邁河西北至高縣更名復甯河北會宋江
經慶符至南廣口入江灘石險峻不通舟楫明代征
九絲蠻始開鑿運糧南廣口石上大書轉漕建武是
也今滇銅蜀鹽亦由此運考漢志南廣符黑水北至

棘道入江水經注云江水自武陽東南經棘道縣北若水淹水合從西來會之又東與符黑水合入江處謂之南廣口所謂若水淹水合從西來會者卽金沙江謂之正黑水禹貢華陽黑水惟梁州是也其從南廣入江者謂之符黑水唐時改爲皂水皂亦黑也水經注稱南廣縣汾關山符黑水所出今詢汾關山在川滇接壤之永甯而此地舊屬於漢之南廣縣無可疑也

珙水 卽一統志之珙溪也源出洛浦河自縣南迤邐而來石多似玉因以名珙居民置筒車運水灌田

敘州府志

卷五

山川

珙

珙縣

爲利甚廣其下流經縣東北獅子灘以下入長甯縣安甯橋又東北入於大江

魚孔洞溪 縣西三里水流洞口魚從中出故名下合珙水

東小溪 縣治東出蠻了諸山間下流入珙水

古水溪 在文聚鄉

鹽井溪 在知樂鄉舊有鹽場今廢

芙蓉溪 在仁壽鄉出自芙蓉山間下流經沙河驛

至岳口入符黑水

礮海溪 羅星渡迤南入青山處

螃蟹溪 在崇禮鄉水不盈尺頗能溉田北入符水
冷水溪 在崇禮鄉出走馬嶺行兩山間至洞底入
符黑水爲高珙之界

水竹溪 磨刀溪 俱在文聚鄉

銅鑛溪 在知樂鄉

甕山溪 二溪 三溪 小木溪 唐明溪

俱在甯泰鄉

甕腮溪 竹坂溪 白楊溪 海螺溪 俱在育賢

鄉

阿伙溪 海馬溪 馬兒溪 俱在孝友鄉

敘州府志 卷五

山川

堯

珙縣

青山溪 在集義鄉

水泡河 治西南與珙水合流

石板河 沿西南倏伏倏見至妹妹渦入符黑水

兩岔河 魚棧河 華沱河 俱在文聚鄉

毛家河 石壩河 俱在仁壽鄉

落垵河 在知樂鄉

土地河 在甯泰鄉

魚井河 石門河 俱在育賢鄉

冷水河 在孝友鄉

半落河 沙壩河 俱在崇禮鄉

馬路河 小塘河 馬落河 馬蕩河 俱在集義鄉

象溝 在育賢鄉

白楊溝 治西南一百八十里溝甚險惡與青山相近乃符水之一源也

水落孔溝 卽白楊溝之委穿流洞中四面高山中

成大洞青山諸水咸趨之內多鯉魚有覆槽其中至水車壩流出乃知爲符黑水之一源也

棘川溝 治西南山高泉潔林木極茂內出方解石入藥棘人居之正德十一年始平

敘州府志 卷五

山川

李

珙縣

大水溝 在崇禮鄉下俯深箐濺珠噴霧悚人心目

將軍溝 治北將軍坡下

落藏溝 去孝兒場十餘里與高界相近

木盆溝 在集義鄉兩山環遶一徑中通又名孟獲

溝其東北數里有諸葛武侯祠遺址

毛家溝 柏香溝 梅瑜溝 文家溝 龍洞溝

螞蟻溝 落肇溝 俱在文聚鄉

娑羅溝 賣確溝 海螺溝 俱在仁壽鄉

狎子溝 紙漕溝 木梯溝 梘漕溝 落地溝

老猫溝 俱在知樂鄉

芭蕉溝 馬龍溝 石碑溝 鐵爐溝 老鴿溝

猓獾溝 石廠溝 俱在甯泰鄉

龍打溝 化人溝 老虎溝 水獺溝 龍井溝

野荷溝 俱在育賢鄉

張仙溝 鵝鳩溝 老母溝 馬蹏溝 俱在孝友

鄉

山狎溝 花脚溝 梳頭溝 俱在集義鄉

木灘 已詳高縣山川內黃廷棟木灘觀晚舟詩大

石狹小石羣聚不肯走奔濤乃重怒其聲疾雷吼上

水誰氏船膽大竟如斗數人立船前數人立船後前

敘州府志

卷五

山川

空

珙縣

者持篙撐後者倚舵守相近不相聞相示各揮手岸

上百餘輩繫纜盡加肘初猶卑其躬繼直泥其首欲

上不得上自申將及西遙想汾關山細流出硿口新附

驗晴灘 孝友鄉水車壩之下天將晴濤聲如雷居

民以驗晴雨

魚棧灘 珙水遶縣東北處

老鴿灘 縣西南一百里

獅子灘 城東北十五里

楊桂灘 城西南九十里

杷齒灘 琵琶灘 俱在文聚鄉

三岔灘 在知樂鄉

舒家灘 大葉灘 長腰灘 門坎灘 石堡灘

俱在甯泰鄉

小木灘 找筏灘 滾牛灘 俱在育賢鄉

趙灘 在甯泰鄉拱高二界按此灘已詳高縣山川

內

土地灘 笛車灘 白楊灘 俱在孝友鄉

妹妹渦 育賢鄉符水所滙其深叵測善水者不能

窮內有大石甚光潤俗謂犀牛磨角石常潮起木葉

渣滓或云此水一潮定主發科

敘州府志

卷五

山川

壘

拱縣

水泡渦 在文聚鄉

龍泉 一名龍洞水有二一在上羅場後一在落亥

山中皆清冷異常

鳩飲泉 在漢村山中

石泉 育賢鄉倒石橋路旁大石上有水一科亦名

一碗泉

一碗泉 入青山隘口下一里許

官沱 城西門外

老鷓沱 治西南九十里

洄水沱 治西南八十里

長沱 跑馬沱 馬回沱 正七沱 青桐沱

俱在文聚鄉

稗子沱 猴子沱 俱在知樂鄉

貓兒沱 魚棧沱 白岩沱 俱在甯泰鄉

芭蕉沱 母猪沱 土獠沱 俱在育賢鄉

寨子沱 在崇禮鄉

張漢沱 四栗沱 俱在集義鄉

鹽井 在歇馬壩今廢

落浦龍井 在知樂鄉

觀音井 在育賢鄉

敘州府志

卷五

山川

壘

珙縣

涼水井 在崇禮鄉

白沙井 在落亥堡北

楊柳井 雞公井 俱在甯泰鄉

冷水池 在仁壽鄉

犀牛池 在知樂鄉

水鴨池 在甯泰鄉

落浦龍潭 縣東南六十里在知樂鄉即珙水之上

源也內有潛龍每禱輒應

長身潭 堡子潭 俱在集義鄉

水落孔 在文聚鄉集義鄉亦有並縣志

興文縣

南壽山 縣西十里初名博望訛傳八望四面陡絕
屹如城墉山下四圍無路惟西關口與插旗山有隘
道可上宋五斗蠻據此政和中轉運使趙適擒卜漏
搗其巢穴繪圖以獻神宗悅賜名萬壽縣城之脉發
原於此上有晏峯諸景原按瀘州志亦載南壽山其
賜名卽在平晏州夷後興文古晏州地此山得名較
瀘尤確

晏峯山 卽南壽山之一峯高聳翠嵐時多霧集惟
天氣晴明日午方見蔚然以深窅然以遠唐晏州及

敘州府志

卷五

山川

畝

興文

思晏縣俱以此名

馬蹏巖 縣南十里在南壽山腰巖上有馬蹏痕跡
宛然

插旗山 縣西北十里尖峯插雲頂有石墩外平中
空相傳爲蠻首插旗招諸蠻之所

插荆山 縣南二里

砲架山 縣南五里相傳宋趙適征蠻嘗架鐵炮於
此故名

龍泉山 縣南一里山下一里有洞名龍泉井在趙
村相傳昔出海馬禱雨輒應今有虫鍊砂爲房負之

而行俗以爲海馬云

銅鼓巖 縣南三里巖高陡絕路經巖畔令人心悸目眩上有石似鼓故名

落雨山 縣南五里上有霧集必雨農人以之下晴雨與九姓司大落雨相連

鍋圈巖 縣南四十里石壁環繞宛若城垣中有平疇左有青龍崖右有白虎崖俗呼鍋圈崖

獅子巖 縣南六十里四圍險絕宛若獅形人跡罕到

千石巖 縣南六十里巖石林立若屋宇若虬龍若

敘州府志

卷五

山川

奎

興文

虎豹或起或伏或羣或散千態萬狀望之奇絕

鳳凰山 從九姓界蹣跚而來束頸昂頭如飛鳳展翅上有慈雲寺今名三官殿

錦屏山 治南二十里鳳凰山左側青翠繞圍望若錦屏

中華山 在鳳凰山之上山林葱蒨景物怡人上有東嶽廟建自前明

雲樓巖 在中華山左一帶石壁重叠凌霄望之若百尺樓臺

隱鷺山 縣南六十里因下有隱鷺寨白鷺千百爲

羣棲宿此山故名

雲梯山 縣南三十里與鳳凰山對峙高峻入雲登之若梯雲而上

飛龍山 縣南三十里上有飛龍寺今圯

九蓮山 縣南五十里九峯連絡上有祠寺

金鐘山 縣東一里由博望丹霞繞城而下形如覆

鐘江水由此轉出鎖一城水口最爲緊要

觀了山 縣東一里爲縣城水口岡巒交鎖一峯突出上有真武觀

關龍山 縣東一里關閉山缺縣之東南戶也

敘州府志

卷五

山川

五

興文

當陽山 縣東十五里與走馬嶺對峙中抱巖峩洞

觀音巖爲梅嶺之南岸接長甯江安兩縣界

走馬嶺 縣東南十五里其地脉自九姓司中和山

來經三十餘里層巒疊嶂與當陽山逼峙其麓曰滴

水巖

天池山 縣東南十五里其地脉亦自中和山來羣

峯屹立上有池約一畝許山頂圓平昔吳逆曾駐兵於此

玉屏山 在縣東梅嶺鎮上有駙馬宮廢址事詳古

蹟志

蓮花山 山多戴石峯形奇秀

滴水巖 在當陽山麓壁有線道下臨宴流經者目眩為敘永滇黔要道巖上石漿滴瀝冷氣侵人

三寶山 縣東十五里與白鳳山夾流虎跳之水此縣城東南隅之水口也

白鳳山 縣東二十里與三寶山對峙

轎頂山 縣西南一百二十里四面壁立縣志宜賓宋

肆樟避亂轎頂山話友人熊太占詩假無烽火迫此地鳥纒通山亦似相待人猶得子同匪猿來壁絕不翼到雲中喪亂何年起勞勞尚避戎阮鑄題轎頂山

敘州府志

卷五

山川

五

興文

詩雲軒留在此王子歸何年鳥國藏寒燕蠶叢聽杜鵑化形千仞石留恨一重煙天地為高下古今無起

新附眠

文筆山 縣西南一百二十里與建武學宮對峙尖秀入雲上有白石層疊如書即舊志文印山下有報國寺

印欄山 轎頂山下

飛龍山 縣西南一百三十里有飛龍寺

都督山 縣西南一百四十里峭壁凌霄險不易上

酋蠻方三會據此

珍珠山 縣西南一百四十里

五珠山 與都督山相接五峯聯絡如貫珠先都蠻出入巢穴擒方三在此

馬鞍山 縣西南一百二十里下有李近泉墓

雞冠嶺 在玉屏山後先名雞公嶺阿大據此巡撫曾公平之更名

玉屏山 縣西南一百二十里聳拔入雲眾山朝拱俯視煙火萬家為建武勝覽上有亭今廢

五穀倉山 縣西南一百二十五里即金雞山絕頂石山屹立高約十丈其形如倉有石猫踞其巔前有

敘州府志 卷五

山川

矣

興文

兩石狀如人今蠻毀其一明遊擊李棟移演武堂對之易名誥勅山

梅峯山 縣東三十里一名梅嶺上有岱廟

摩旗山 縣東二里

現龍山 縣北十里蒲草潭側上建泰山廟

銅鑼山 縣北五里頂平圓如金鼓

並縣志

凌霄山 縣西南三十里三面峭壁西連五斗壩深箐綿互數里層巒疊嶂望之如城宋時為都蠻所據

明成化間李鎮攀崖架木循南箐以進遂破凌霄後復為蠻首所得萬厯間總兵劉顯攻拔之擒酋阿苟

會圖以上賜名拱極城縣志李壽萱望凌霄諸山詩谿

水縈紆路屈盤徐鉉芳春時節稱遊觀方仲謀野花向客

開如笑歐陽修山色迎人秀可餐陸游瑞氣迴浮青玉案

耿逸情終憶白雲端李中千巖萬壑須尋遍范成大卻恐

詩翁興未闌朱子新附

太平嶺 縣南四十里卽渴礪坎乾隆間知縣陳潘

邨開山通道荆榛盡別名太平嶺

望天坳 縣西南六十里建武興文要道自下而上

勢若登天盛暑亦涼

尖峯山 縣西南六十里望天坳側兩峯對峙高入

敘州府志 卷五

山川

六

興文

雲表登高而望縣南諸山盡在目前

少峯山 縣西南八十里魚井溝上

頂冠山 縣西南六十里在諸山之頂

古佛臺 縣西南一百里燕子洞上有古寺基址昔

產黃連今無

清涼山 縣南一百里上有清涼寺三面陡絕後有

山脊一線可通夏月登此如入清涼境界先名蓮花
山

界牌山 縣南一百二十里與敘永廳大壩交界爲

建永往來要道每隆冬積雪望若銀屏

金雞山 縣西南一百二十五里與五穀倉聯絡高入雲表

麒麟山 縣西南一百三十里山自黑帽頂逶迤而來至此昂頭天外俗呼爲牛頭山

新紅巖 在麒麟山下巖石多赤壘中常取之以點書建武通毓龍場要道

鳳凰嶺 九絲山下

九絲山 縣西南一百二十里建武東北二十里山高而險四面峭壁昔征蠻時各寨俱破而酋長阿大阿二方三並據於此倚山爲城聞以絲圍之約重九兩故名或云都蠻種類分雜其姓有九號爲九絲明時劉顯破之

敘州府志

卷五

山川

七

興文

雲頂山 縣西南一百二十里建武北二十里卽穀爆營右臂上有雲頂寺今圯

黑帽山 縣西南一百四十里建武西二十里卽黑帽營山頂若金盃常有雲霧明巡撫曾公議通道策西由歇馬漢村達黑帽卽此

會龍山 縣西一百三十里建武北二十五里卽茅壩營其山中起圓凸南北蜿蜒而來若雙龍奪寶狀明建武遊擊李棟命人於龍頸處斷之缺陷猶存前

有岱山廟

象鼻嶺 縣西一百五十里建武北三十里與珙縣
接界爲建武通長甯道

觀斗山 縣西北一百五十里由上羅堡達山頂儼
接清虛亦勝覽也相傳劉郭征蠻時嘗於北山望星
斗云

寶瓶山 在上羅堡

寨子山 在上羅堡接連市鎮三面峭壁一面可通
昔人避兵保聚於此井曰猶存

冠玉峯 在落羅白石攢簇不受苔蘚

敘州府志

卷五

山川

三

興文

中屯巖 落亥堡崖上鑄中屯巖三字

品立山 縣西南百八十里落亥堡三山品立中崖
一洞上書會賢洞三字姓名不傳

鳳凰山 落亥堡北三山迤邐中如鳳頸左右下垂
如翼

伏獅山 落亥堡北

花蛇嶺 落亥堡西

火石山 在落亥堡

火風山 下羅堡南爲金指揮故里

溫家嘴 下羅堡北溫進士故里

仙鵝洞 縣東二十里一名崽峩洞唐置崽峩縣本
此洞口狹內濶石髓凝結奇形萬狀相傳仙鵝常來
此洞有仙鵝立石痕

龍胎洞 縣北十里卽博望山之西北壁洞深邃中
有淵潭逢旱禱雨輒應初名牛胎洞邑令潘敬蒼易
今名

香爐石 縣南二十餘里

天梁洞 縣南四十里蒼靈鄉洞口向天深廣可容
萬人成化時破都蠻餘黨竄伏洞中俱餓死官軍誥
曰洞無關有臭蠻明季兵燹民多避亂於此

敘州府志

卷五

山川

三

興文

大巖灣洞 縣南五十里四圍絕壁曲折而下灣有
深洞與天梁洞相通昔人避兵於此
小巖灣洞 在大巖灣之旁四圍尖峯中藏深壑形
勢窄狹亦洞之最奇者

沒浪洞 縣南五十里近大壩界溝深水淺碧浪濤
洄流至納鵝寨入洞波伏不現至落地復出故名

雙洞子 在毓秀鄉龍井之東巖有二洞相並中通
儼如門闕有棖闌望之內廣若堂其旁有洞深邃莫
測水出其中時溢時涸聞之士人挈伴執火而入內
甚寬厥迤邐曲折忘其遠近前至一潭風起水湧驚

駭而返疑亦蛟龍之窟穴也

龍洞 在上羅者三在下羅者二灌溉田畝多資其利惟上羅場一洞在深谷中其味清冷煮茶最香風洞 在落亥之南山崖間入洞豁然廣濶十餘丈深不可測陰雨日颯颯有聲禱雨輒應

分水嶺 縣南三十里太平嶺脊嶺外為哆岡漕水源流入長甯縣界嶺內為寨口寺水源流十里成溪入兩河口

螺螄寨溪 縣西南二十里源出小隘子經兩河口合大龍洞水經響水灘至孟江口由城東匯流至水

敘州府志

卷五

山川

三

興文

車河

大龍洞水 縣南二十五里源自洞出至兩河口合螺螄寨水經響水灘至清晏橋合思晏江

思晏江 在縣南源出晏峯山西北經孟江口合龍洞諸水繞城東至二郎廟循關龍白鳳諸山至虎跳橋為水車河

水車河 卽思晏水與諸水合流至此居民以筒車汲水灌田故名

乾溪 卽思晏水由水車壩東北流至乾溪山下水濱有洞水半入其中潛流十餘里至江安縣地界青

岡村乃出合硯石溪明萬厯及雍正年間厯經疏鑿竟未成功

硯石溪 晏水東北循大小水漕至當陽山觀音崖於是有淵淵中有石色黑而堅細可琢爲硯

躍龍溪 在縣北躍龍鄉之長溪發源博望山滙龍胎洞流水崖大會溝諸水下流五里入長甯江安地界至雷灘合思晏江爲梅嶺河

雷灘 晏水由硯石溪至滴水崖下亂石激流水聲如雷

那灘 在梅嶺西北水自雷灘經萬壽橋約一里亂

敘州府志

卷五

山川

古

興文

石擁流波瀾壯潤出此灘通舟楫

龍潭 在梅嶺半石城下洞在水中深淺莫測

梅嶺河 卽晏水至此入江安縣界舟楫可通

黃沙溪 縣北七里源出銅鑼山右流入躍龍溪

大龍潭 縣西南一百五十里建武東南四十里與

雲南威信長官司交界周約三十餘丈朝暮清瑩若

鏡卓午泛溢如潮紅黃渾濁令人駭異潭面藤竹交

橫午前則瀾漫散布午後則交結團聚皆物理之不

可解者潭旁石壁明建武遊擊李棟刻源頭活水四

大字於上

滴水巖 縣西南一百四十里在龍潭之下崖垂二乳其水自乳滴下融結成山如三甕甕中有眼水滴其中若金石聲

石門墩 建武東三十里大潭口之上土阜突高旁有石砌征蠻時屯兵之所

簸箕峽 建東二十里

玉池 縣城南一里池中舊有白石如玉因名

天生池 縣東十五里水車壩大坳口生成石池水極清潔

響水灘 縣南十五里兩河口水經過處

敘州府志

卷五

山川

五

興文

溫泉 在治東二郎廟側其水寒天可浴亦名溫水溪

金魚泉 在響水灘下有穴出泉魚從穴出網羅無所施

心洞溪 在九姓司交界處經蓮花沱文星橋合晏水

魚兜河 近永甯界水自大壩來由三官殿合瀘衛河

金泉井 在梅嶺下

溫泉井 縣東一里二郎廟側冬溫夏涼中出亮蝦

不常見

龍塘 縣西北五十里怪石森然中有如龍形者

蒲草潭 縣北九里

馬嘶潭 縣北十五里

魚井水 縣南一百二十里源出少峯山下有潭常

出魚因名魚井其水經中鎮堡簸箕峽至鐵鎖橋與

龍井水合下匯西陽沱

犀牛池 縣西北一百四十里池濶數丈清泉湧出

四時不涸相傳常有犀牛出其中

龍井水 縣南一百二十里水出洞中深不可測相

敘州府志

卷五

山川

三

興文

傳開闢時里人常聞洞中有聲如仙樂然明御史李棟命建祠於井口鎮之今巖崩井塞矣

龍井溪 縣南一百二十里發源牛落魂山自龍門

合龍井水流繞建武鐵鎖橋合魚井水至西陽沱合

兩河口水至晴江口與雲南威信司水合下至羅星

渡與符黑水合流可通舟楫經高慶至南廣合大江

犀牛沱 縣西南百四十里沱中有石如牛號犀牛

石

馬桑沱 在梅鎮東四里楚南橋下

西陽沱 在建武東十里犀牛沱之上其上卽西陽

關

小龍潭 縣西南一百三十里潭約二十丈水極清
瑩深不可測其流亦可灌田旁有營壘故址

安家潭 距小龍潭二里

仙人井 縣南一里石上有手掌形

大石井 在縣城北門外深約二丈其水清冽

玉華井 縣西南一百二十里其水夏涼冬溫久雨
不溢久晴不涸

龍王井 在建武城內北街相傳源出玉屏山麓昔
人砌石引泉伏流入城水極甘冽烹茗釀酒絕佳上

敘州府志

卷五

山川

七

興文

建龍神祠

水洞井 在建武城南街下

官井 在建武城都閫府署內

玉屏井 在建武城玉屏山下

崇報井 在建武城西南舊崇報祠側

雷報井 建武城南每歲雷發聲泉水乃出極清冽
雷聲收水隨涸

大井 在建武城一里深三四丈

觀音井 在建武城北門外玉屏山下一名龍泉井
木桶井 在建武城東門外

安全井 在落亥堡南深約二十餘丈相傳征蠻時
兵困城中總戎禱天掘井得水後以井深陷人掩之
石牆上鑄安全井三字

古三山 在建武城中

古九井

在建武城中

鉅縣志

敘州府志

卷五

山川

亥

興文

